

Na osnovu člana 9. Zakona o federalnim ministarstvima i drugim tijelima federalne uprave ("Službene novine Federacije BiH", br. 19/03, 38/05, 2/06 i 8/06) i tačke II. stav 1. Odluke o usvajanju programa utroška sa kriterijima za raspodjelu sredstava Tekući grantovi- "Podsticaj proizvodnji i prestrukturiranje industrije i rudarstva, Konsolidacija rudnika uglja u Federaciji BiH i Konsolidacija "Krivaja" Zavidovići, utvrđenim Budžetu Federacije Bosne i Hercegovine za 2010. godinu Federalnom ministarstvu energije, rudarstva u industrije ("Službene novine Federacije BiH", broj 8/10), Federalno ministarstvo energije, rudarstva i industrije o b j a v l j u j e

JAVNI POZIV

ZA KANDIDOVANJE PROGRAMA UTROŠKA SA KRITERIJIMA ZA RASPODJELU DIJELA SREDSTAVA TEKUĆI GRANTOVI - "PODSTICAJ PROIZVODNJI I PRESTRUKTURIRANJE INDUSTRIJE I RUDARSTVA" ZA 2010. GODINU

I. PREDMET POZIVA

Predmet poziva je prikupljanje programa za korištenje sredstava u iznosu od 10.000.000,00 KM, u skladu sa tačkom I pod rednim brojem 3. Odluke o usvajanju Programa utroška sa kriterijima za raspodjelu sredstava Tekući grantovi- "Podsticaj proizvodnji i prestrukturiranje industrije i rudarstva, Konsolidacija rudnika uglja u Federaciji BiH i Konsolidacija „Krivaja" Zavidovići" utvrđenim Budžetu Federacije Bosne i Hercegovine za 2010. godinu ("Službene novine Federacije BiH", broj 8/10).

Iznos od 10.000.000,00 KM koji se raspoređuje rješenjem federalnog ministra na koji Vlada Federacije Bosne i Hercegovine daje saglasnost, umanjice se za iznos za koji Vlada Federacije Bosne i Hercegovine na osnovu tačke IV. stav 2. bude donosila odluke o raspodjeli dijela navedenih sredstava, a prije raspodjele po javnom pozivu.

II. PRAVO UČEŠĆA

Pravo i mogućnost kandidovanja programa imaju privredna društva, čija je svrha pomoć privrednom razvoju i rješavanje socijalnih pitanja u Federaciji BiH, a čiji će programi biti u skladu sa sljedećim kriterijima:

- Podsticaj povećanju izvoza,
- Podsticaj supstituciji uvoza,
- Novo upošljavanje,
- Povećanje obima proizvodnje;
- Podsticaj modernizaciji i uvođenje novih tehnologija;
- Pomoć zbog teškog materijalnog stanja.

III. SADRŽAJ PROGRAMA

III.1. Program koji se kandiduje mora sadržavati najmanje sljedeće podatke:

- kontakt osoba, tel/fax, e-mail,
- identifikacioni broj,
- poslovna banka kod koje se vodi račun kandidata i broj transakcijskog računa,
- pravni status,
- visina i struktura ukupne investicije,
- iznos sredstava koja se traže od federalnog ministarstva energije, rudarstva i industrije,
- ciljevi predviđeni programom i sve druge podatke i informacije koje se odnose na konkretan program.

III.2. Uz kandidovani program, obavezno je priložiti i sljedeće dokumente i uvjerenja:

Original ili ovjerenu fotokopiju rješenja o upisu u sudski registar ili ekvivalentni dokument, izdat od strane nadležnog organa, koji ne može biti stariji od tri mjeseca, računajući od dana dostavljanja prijave.

Kandidati koji su samoinicijativno već dostavili svoje programe, ukoliko žele da njihovi programi budu razmatrani, trebaju dostaviti sve traženo u skladu sa ovim javnim pozivom.

Kandidati su dužni popuniti obrazac koji se može preuzeti na web stranici Federalnog ministarstva energije, rudarstva i industrije: www.fmeri.gov.ba i uz tražene podatke i dokumente iz tačke III. ovog Javnog poziva isti dostaviti popunjen i ovjeren.

Kandidati koji u svojim programima ne dostave traženo, njihovi programi neće biti uzeti u razmatranje.

IV. PODNOŠENJE PROGRAMA

Prijave sa kandidovanim programima se dostavljaju poštom ili ličnom dostavom na adresu:

Federalno ministarstvo energije, rudarstva i industrije

Alekse Šantića b.b. 88 000 Mostar, sa naznakom: za Javni poziv za kandidovanje programa utroška sa kriterijima za raspodjelu dijela sredstava Tekući grantovi - "Podsticaj proizvodnji i prestrukturiranje industrije i rudarstva" za 2010. godinu.

Javni poziv objavit će se u: "Službenim novinama Federacije BiH" dnevnim listovima: "Oslobođenje" i "Dnevni list" i na službenoj web stranici Federalnog ministarstva energije, rudarstva i industrije: www.fmeri.gov.ba.

Rok za dostavu prijave sa kandidovanim programima je 30 dana od dana objavljivanja u "Službenim novinama Federacije BiH".

Nepotpune i neblagovremene prijave neće biti uzete u razmatranje.

Dostavljeni programi neće se vraćati.